

檯球

第一章 緣起

檯

檯球 (Billiard) 之戲。肇始何時。初無可考。據英文豪沙士比亞 (Shakespeare) 之詩觀之。則二千年前之埃及。實已有之。第此亦推測之詞。初不足徵信。其始見之史乘者。實當英女皇伊利沙伯 (Elizabeth) 時。其後英王查爾士九世 (Charles IX) 亦酷嗜此戲。則檯球似起於中世紀矣。雖然。此時之檯球。其方法。蓋與今大異。所用之檯。亦無一定。其形或方或橢。亦有長方者。檯之四隅及中央。各有一穴。檯之四周。則飾木邊 (Cushion)

球

檯

檯面亦以木爲之。初非如今日之罌以呢者。當時惟貴胄玩之。其後習者漸衆。法亦漸備。西曆一六七四年。定球檯爲長方形。〔俗名英國式球檯〕四隅及兩旁中央。各有一穴。共六穴。檯用木材。其邊則以布革爲之。中實以棉毛。球初用木。繼用象牙。擊球之竿（Cue）則用短而曲者。以彼時之擊法。非直竿突進。而斜竿側擊也。當西曆一七五〇年時。此戲風靡一時。英王喬治二世（George II）至以勅書禁止之。則其時嗜者之衆可知矣。

球

方英人盛行此戲時。同時法人亦酷嗜之。惟用三球而檯無穴。

檯球

是爲法國式檯球。(Carrom Game) 爲今世通行檯球戲之祖。發明之時。據云爲西曆一一七五年。

球竿。西曆一八二三年時。以直木爲之。竿端甚光滑。僅能擊球之中心。球常不能循豫期之線進行。後有人用鑢鑢竿之端。或刻作凹形。以求不滑。然數用之後。鑢痕易平。而凹形易缺。且不能側抵斜進。未能稱盡善也。西曆一八一八年時。英人某發明用白堊粉(chalk)塗擦竿端之法。於是前弊盡免。第當時發明此法者。秘其術。勿肯明言。用者僅以重價向購。無人知其爲白堊粉也。